

Протокол
заседания Республиканской термино-орфографической комиссии при
Главе Республики Коми

от 23 января 2019 года

Присутствовали: Бутырева Г.В., Быковская Н.Н., Габов С.И., Козлова Е.В., Козулина С.Г., Коснырева Е.Г., Мамонтова С.Ф., Матвеева Л.Д., Паршукова А.А., Рассыхаев А.Н., Уляшев О.И., Федина М.С., Федюнева Г.В., Чуяшкова М.В., Цыпанов Е.А.

Повестка заседания:

1. Утверждение перевода на коми язык изменений в Конституции Республики Коми (выступающий – Марков В.П.).

Решили:

1. Согласовать перевод Конституции Республики Коми с русского на коми язык согласно приложению №1.

2. Бюро официального перевода Центра инновационных языковых технологий государственного автономного учреждения Республики Коми «Дом дружбы народов Республики Коми» при подготовке к опубликованию на коми языке нормативных правовых актов Республики Коми, вносящих изменения в Конституцию Республики Коми, официальный перевод с русского на коми язык согласовывать с Республиканской термино-орфографической комиссией при Главе Республики Коми.

Заместитель председателя Комиссии

В.П. Марков

**КОМИ РЕСПУБЛИКАСА
ОЛАНПОДУВ**

(Коми Республикаса 1995.10.26. 29-ПЗ №-а;
1995.12.29. 35-ПЗ №-а; 1997.08. 27. 37-ПЗ №-а;
1998.02.11. 1 ПЗ- №-а; 1998.06.16. 21-ПЗ №-а;
1998.06.16. 22-ПЗ №-а; 1998.12.25. 43-ПЗ №-а;
1999.06.23. 28-ПЗ №-а; 2000.04.04. 20-ПЗ №-а;
2000.06.08. 28-ПЗ №-а; 2000.10.17. 61-ПЗ №-а;
2001.01.09. 1-ПЗ №-а; 2001.10.12. 45-ПЗ №-а;
2002.07.16. 65-ПЗ №-а; 2002.11.04. 104-ПЗ №-а;
2003.03.03. 9-ПЗ №-а; 2003.12.01. 72-ПЗ №-а;
2004.06.04. 25-ПЗ №-а; 2004.07.14. 39-ПЗ №-а;
2005.04.05. 22-ПЗ №-а; 2005.04.05. 23-ПЗ №-а;
2005.05.17. 47-ПЗ №-а; 2006.02.20. 1-ПЗ №-а;
2006.11.20. 114-ПЗ №-а; 2007.05.08. 35-ПЗ №-а;
2007.06.15. 45-ПЗ №-а; 2007.11.08. 93-ПЗ №-а;
2008.03.06. 6-ПЗ №-а; 2008.05.04. 44-ПЗ №-а;
2009.04.16. 12-ПЗ №-а; 2009.05.22. 38-ПЗ №-а;
2009.06.30. 58-ПЗ №-а; 2009.09.30. 81-ПЗ №-а;
2009.12.23. 123-ПЗ №-а; 2010.05.07. 35-ПЗ №-а;
2010.12.20. 148-ПЗ №-а; 2011.10.05. 98-ПЗ №-а;
2012.06.23. 39-ПЗ №-а; 2013.04.24. 21-ПЗ №-а;
2013.12.26. 141-ПЗ №-а; 2015.04.21. 11-ПЗ №-а;
2015.10.23. 67-ПЗ №-а оланпасъяслөн редакцияын)

Коми Республикаса Медвылыс Сöвет,
вояс чöжөн артмём канлун видзöмын республика мутасын олысь
войтырлысь кöсйöм тöдчöдöмөн,
ас гражданалөн тыр-бур олём вöсна кывкутöмөн,
мортлысь инöдъяс да вöля, граждана костын мир да öтсöгласа олём,
бурö да веськыдлунö эскöм ёнмöдöмөн,
Россияса канмулысь öтувъялунсö видзны зильöмөн,
вынсьöдö Коми Республикалысь Оланподув.

Г ЮКÖД.

1 юрпас. ОЛАНПОДУВ ТЭЧАСЛÖН МЫДЖÖДЪЯС

1 статья

Коми Республика (канму) Россия Федерациялөн öткодь инöда субъект.

2 статья

Войтыр ассьыс власьтсö збыльмöдö веськыда, а сідзжö канму власьт органъяс да меставывса асвеськöдлан органъяс пыр.

Войтырлысь медвылысса власьтсö веськыда петкöдлöны референдум да ас вöляысь бöрйысьöмъяс.

3 статья

Коми Республика котыртöмыс да сылөн нимыс йитчöма сылөн мутасын коми войтырлөн нэмöвöйся олöмкöд.

Коми Республика сетö тыр позянлун видзны да сöвмöдны коми войтырлысь да республикаын олысь мукöд войтырлысь кыв, традиционнöй культура да оланног Россия Федерацияса Оланподув, федеральнöй оланпастэчас, Коми Республикаса оланпастэчас, а сідзжö ставөн пыдди пуктана юрподувъяс да войтыркостса инöдлысь да Россия Федерациялөн войтыркостса сёрнитчöмъяслысь нормаяс тöд вылын кутöмөн.

4 статья

Морт, сылөн инöдъяс да вöля – меддонаторйыс. Мортлысь да гражданинлысь инöдъяссö да вöлясö ладмöдö, вынсьöдö да дорйö Россия Федерация. Мортлысь да гражданинлысь инöдъяссö да вöлясö пыдди пуктöм, збыльмöдöм да дорйöм – Коми Республикалөн мог.

5 статья

Коми Республика ас мутасын тырвййö кутö канму власьт Россия Федерациялөн веськöдланторъяс кузя да Россия Федерациялөн да Россия Федерацияса субъектъяслөн öтувъя веськöдланторъяс кузя уджмогъясысь öтдор, кодъясöс пыртöма Россия Федерациялы веськöдлöм улö.

6 статья

Коми Республикаын позяна политика, экономика да идеология юкöнын унапöлöслун, унаютыралöм.

Некутшöм идеология оз вермы лоны урчитöма канмусаөн либö ставлы инманаөн.

Öтйöза котыръяс öткодъöсь оланпас водзын.

7 статья

Коми Республикалөн веськöдланторъяс кузя Коми Республикаса Оланподувлөн эм медвылыс юридическöй вын, пöртсьö олöмö веськыда да вына Коми Республика пасьтала. Коми Республикаын вынсьöдöм оланпасъяс да мукöд инöда акт оз вермыны мунны паныд Коми Республикаса Оланподувлы.

Коми Республикалөн канму власьт органъяслы, меставывса асвеськöдлан органъяслы, чина йöзлы, гражданы да налөн котыръяслы быть колö пыдди пуктыны Коми Республикаса Оланподув да Коми Республикаса оланпасъяс.

Коми Республикаса канму власьт органъяслы асланыс уджын колö кутны тöд вылын Коми Республикалысь историческöй да национальнöй аслыспöлöслун.

Коми Республикаса Оланподув да Коми Республикаса оланпасьяс вынсялӧны найӧс официальной йӧзӧдӧм бӧрын. Коми Республикаса инӧда быд нормативной акт, кодӧ йитчӧма мортлӧн да гражданинлӧн инӧдьяскӧд, вӧлякӧд да могъяскӧд, вынсялӧ официальной йӧзӧдӧмсянь дас лунысь оз водзджык.

8 статья

Коми Республикаын канму власьт збыльмӧдсьӧ оланпас пыртысь, олӧмӧ пӧртысь да ёрд власьт вылӧ юкӧм подув вылын.

Коми Республикаын канму власьт пӧртӧны олӧмӧ Коми Республикаса Каналан Сӧвет, Коми Республикаса Юралысь, Коми Республикаса Велькӧдлан котыр да Коми Республикаса олӧмӧ пӧртысь власьтлӧн мукӧд орган, Коми Республикаса Оланподув Ёрд да мирӧвӧй ёрдысьяс.

Коми Республикаса канму власьт органьяс тайӧ Оланподулӧн да оланпастэчасӧн урчитӧм тыр инӧд серти уджалӧны ас кежысь.

9 статья

Коми Республикаын пыдди пунктӧны да сетӧны тыр позянлун меставывса асвелькӧдлӧмлы.

Коми Республикаын меставывса асвелькӧдлӧм лоӧ войтырӧн ассьыс власьт збыльмӧдан ногӧн, кодӧ оланпастэчасӧн урчитӧмтор серти сетӧ позянлун олысьяслы ас кежысь да ас кыв кутӧмӧн пӧртны олӧмӧ аслыныс да (либӧ) меставывса органьяс пыр меставывса тӧдчанлуна юалӧмьяс, олысьяслысь кӧсйӧмьяс, исторической да меставывса мукӧд традиция тӧд вылын кутӧмӧн.

Меставывса асвелькӧдлӧм аслас уджмогъясын ашӧрлуна.

Меставывса асвелькӧдлан органьяс оз пырны Коми Республикаса канму власьт органьяслӧн тэчасӧ.

10 статья

Коми Республикаын дорйӧны мортлысь да гражданинлысь инӧдьяс да вӧля.

11 статья

Коми Республикалысь социальной да экономической политика велькӧдӧма быд мортлӧн тыр-бура олӧм да ас вӧляысь сӧвмӧм вылӧ.

12 статья

Коми Республикаын ӧтмоза дорйӧны аспом, канму, муниципальной да мукӧд сикас эмбур.

13 статья

Муӧн, ваӧн, вӧрӧн да ывласа мукӧд озырлунӧн Коми Республикаын вӧдитчӧны да найӧс видзӧны республика мутасын олысь войтырлӧн олан да уджалан подув пыдди.

Му да вөр-васа мукöд озырлун вермас лоны аспом, канму, муниципальнöй да мукöд сикас эмбурөн Россия Федерацияса да Коми Республикаса оланпасъясөн индöм ног да корöмъяс серти.

14 статья

Оланподувлөн тайö юрпасса шуöмъясыс лоöны Коми Республикаса оланподув тэчаслы мыджöдөн, найöс позьö вежлавны сöмын тайö Оланподулөн урчитöм ногөн.

Тайö Оланподувса некутшöм мукöд шуöм оз вермы мунны Коми Республикаса оланподув тэчас мыджöдъяслы паныд.

2 юрпас. МОРТЛÖН ДА ГРАЖДАНИНЛÖН МЕДШÖР ИНÖДЪЯС, ВÖЛЯ ДА МОГЪЯС

15 статья

Коми Республикаын мортлысь да гражданинлысь инöдъяс да вöля дорйöны ставөн пыдди пуктана юрподувъяс да войтыркостса инöдлөн нормаяс серти, Россия Федерацияса Оланподув серти, инöдъяссö да вöлясö тшöтш зумыдмöдöма тайö Оланподулөн.

Мортлөн медшөр инöдъяс да вöля сыысь торйöдны позьтöмöсь, найö эмöсь быдөнлөн чужöмсянныс.

Инöдъяс да вöля олöмö пöртгöн мортлы да гражданинлы оз позь торкны мукöдлысь инöдъяссö да вöлясö, сэк жö тайö оз мезды мортöс ассыс могъяссö олöмö пöртöмысь.

16 статья

Мортлөн да гражданинлөн инöдъяс да вöля пыр вынаöсь. На серти лöсьöдöны оланпасъяслысь вежöртас, сюрöс, найöс олöмö пöртанног, оланпас пыртысь да олöмö пöртысь власьтлысь, меставывса асвескöдлöмлысь удж, найöс могмöдö ёрд.

17 статья

Оланпас да ёрд водзын ставөн öткодъöсь.

Канму сетö öткодъ инöдъяс да вöля мортлы да гражданинлы, айловлы кöть энъловлы, сылөн раса, войтырсикас, кыв, рöд, озырлун да чин, оланін, видзöдлас, енлы эскöм, öтйöза котырьясö пырöм, а сідзжö мукöдтор вылö видзöдтöг. Гражданалысь инöдъяссö некызди оз позь дзескöдны налөн социальнöй, расöвöй, войтырсикас торьялöм серти, кыв либö енлы эскöм серти.

Мужичöйлөн да нывбабалөн инöдъясыс да вöляыс, найöс збыльмöдан позянлуныс öткодъöсь.

18 статья

Коми Республикаса Оланподулын медшөр инöдъяс да вöля лыддьöдлöмсö оз ков гөгөрвоны кызди мортлысь да гражданинлысь ставөн пыдди пуктана мукöд инöд да вöля киритöм либö омöльтöм.

Коми Республикаын оз позь лэдзны мортлысь да гражданинлысь инөдьяс да вöля киритысь либö омöльтысь оланпасьяс.

Мортлысь да гражданинлысь инөдьяссö да вöлясö вермö дзескöдны федеральнöй оланпас сöмын сы выйöдз, мыйта колö дорйыны оланподув тэчаслысь мыджöдьяссö, мукöд йöзлысь мывкылдунсö, дзоньвидзалунсö, инөдьяссö да оланпасөн урчитöм кöсйöмьяссö, могмöдны канму дорйöм да öпастöмлун.

19 статья

Быд гражданин вермö ачыс тырвыйö збыльмöдны ассьыс инөдьяс да могьяс 18 арöссиянь.

20 статья

Суйöрсайса граждана, гражданствотöм йöз вöдитчöны инөдьясөн да збыльмöдöны ассьыныс могьяссö Коми Республикаын олысь Россия Федерацияса граждана моз жö, оланпасөн либö войтыркостса сёрнитчöмөн урчитöмаысь öтдор.

21 статья

Быдöнлөн эм олöм вылö инöд.

Ёрдөн шуöм серти мортлысь лов босьтöмсö, сйöс водзö вылö дзикöдз кириттöдз, федеральнöй оланпас вермö индыны кылди медся чорыд мыждöм, вöчöма кö олöмлы паныд торья ыджыд лёктор, та дырйи мыждана мортлөн эм инöд сылысь делöсö ёрдын присяжнöй заседательясөн видлалöм вылö.

22 статья

Мортлысь бур нимсö видзö канму. Нинöм оз вермы лоны сйöс омöльтан подулөн.

Некодöс оз позь пытайтны, нартитны, увтыртны сылысь мортлунсö, вöчны сылы лёктор либö накажитны. Некод вылын оз позь вöчавны медицинскöй, туялан либö мукöд сикас опыт мортлөн кöсйытöг.

23 статья

Быдöнлөн эм вöля да сйöс вөрзьöдтöмлун вылö инöд.

24 статья

Быд мортлөн эм ас олöм вөрзьöдтöмлун вылö, аслас да аскотырлысь гусятор видзöм вылö, ассьыс бур нимсö да мортлунсö дорйöм вылö инöд.

Быдöнлөн эм инöд видзны йöзасьöмысь письмöасьöм, телепон сёрни, пошта, телеграф пыр да мукöд юөр. Тайö инöдсö позьö дзескöдны сöмын ёрдлөн шуöм серти.

25 статья

Оз позь чукöртны, видзны, паськöдны мортлөн ас олöм йылысь юөрьяс да вöдитчыны наён сылысь юасьтöг.

Канму власьт органьяс да меставывса асвеськөдлан органьяс, чина йөз быть сетöны позьянлун быдöнлы тöдмасьны сылысь инöдьяс да вöля веськыда вөрзöдан кабалаөн да материалөн, оланпасын кө мөдтор абу пасйöма.

26 статья

Мортлысь оланінсö оз позь вөрзöдны. Некодлөн абу инöд пырны оланінö сэнi олысьяслөн көсьйтөг, абу кө урчитöма федеральной оланпасөн либö подулалöма ёрд шуёмөн.

27 статья

Быдөн вермö индыны инöд серти асьыс войтырсикассö. Некодс оз позь мырдөн тшöктыны петкөдлыны да индыны асьыс войтырсикассö.

Быдөнлөн эм инöд вöдитчыны чужан кывйөн, ас вöляысь бөрйыны сёрнитан, быдтан-сöвмөдан, велöдчан да творческöя уджалан кыв.

28 статья

Коми Республикаын эм ас вöляысь ветлём-мунём, овланін да оланін бөрйём вылö инöд.

29 статья

Быдөнлы сетöма тыр позьянлун овны сөвесьт серти, ас вöляысь эскыны енлы, такöд тшöтш инöд эскыны öткөн либö мукöдкөд öтвылысь көть кутшöм енлы либö овны енлы эскытөг, сiдзжö ас вöляысь бөрйыны да паськөдны енлы эскана да мукöд сикас видзöдлас, овны на серти, та дырйи кө оз торкавсьы оланпас.

30 статья

Быдөнлы сетöма тыр позьянлун ас вöляысь мөвпавны да сёрнитны.

Оз позь паськөдны социальной, раса, войтырсикас либö енлы эскём серти лöгалём да лёкалём и сiдзжö ышöдны та вылö. Оз позь паськөдны социальной торьялём, раса, войтырсикас, енлы эскём либö кыв серти верктуялём.

Некодс оз позь мырдөн тшöктыны юксьыны аслас мөвпьясөн да видзöдласьясөн либö энöвтчыны наысь.

Быдөнлөн эм инöд оланпас вылö мыджсьёмөн быд ног корсьны, босьтны, сетны, лэдзны да разöдны юөр. Канму гусяторьясö пырысь юөрьяслысь лыддьөг урчитö оланпас.

Сетьсö тыр позьянлун йөзöс паськыда юөртан вöля вылö. Цензура оз вермы лоны.

31 статья

Быдөнлөн эм öтувтчём вылö инöд, такöд тшöтш уджсикас серти асьнысö дорьян котырьяс лөсьöдём вылö инöд. Öтйöза котырьяслы сетьсö тыр позьянлун ас вöляысь уджалём вылö.

Некодс оз позь мырдөн пыртны кутшöмкө котырö либö кутны сэнi.

32 статья

Гражданаалён эм инöd тыш-косьтöг, öружуетöг чукöртчöм вылö, собраниеяс, митингьяс да демонстрацияяс, öтувья мунöмьяс да пикетгьяс нуödöм вылö.

33 статья

Гражданаалён эм инöd пырöдчыны канму делöяс нуödöмö кьдзи веськыда аслыныс, сідзи и наён индöм йöз пыр.

Гражданаалён эм инöd бöрйыны канму власьт органьясö да меставывса асвеськöдлан органьясö, а сідзжö пырöдчыны референдумö. Йöзлөн, кодьяслөн Россия Федерацияса да Коми Республикаса оланпастэчас серти эм пассивнöй бöрйысян инöd, эм инöd лоны бöрйöмаөн канму власьт органьясö да меставывса асвеськöдлан органьясö.

Бöрйысьны да лоны бöрйöмаөн инöдыс абу гражданаалён, кодьясöс ёрд шуис ас вöснаыс кывкутны вермытöмөн, а сідзжö ёрдшуöм серти дзескьдінын пукалысьяслөн.

Гражданаалён эм öткодь позянлун пырны канму служба вылö.

Гражданаалён эм инöd пырöдчыны ёрд уджö.

34 статья

Быд гражданинлөн эм инöd веськыда шыödчыны, а сідзжö ыстыны шыödчöм канму органьясö да меставывса асвеськöдлан органьясö.

35 статья

Быдöнлөн эм инöd ас вöляысь вöдитчыны ас кужанлунöн да эмбурён ас вылö уджын да мукöд сикас экономической уджын, абу кö сы вылö оланпасөн индöм кутöд.

Оз позь вöчны öткөн ьджыдалöм да ылöдчана венласьöм вылö веськöдöм экономической удж.

36 статья

Аспом эмбур вылö инöдсö видзö оланпас.

Быдён вермас инöd серти лöсьöдны аслыс эмбур, кутны сійöс, вöдитчыны сыён кьдзи öткөн, сідзи и мукöдкöд öтвылысь.

Рöдвужсянь кольöм эмбур вуджöм вылö инöдыс тыр позянлуна.

37 статья

Инöd серти гражданаалён да налөн котырьяслөн аспом эмбурын вермас лоны му.

Му да вөр-васа мукöд озырлун ас вöляысь кыин кутöны, наён вöдитчöны да наён веськöдлöны эмбуралысьяс, а сідзжö му да вөр-васа мукöд озырлун ас вöляысь кыин кутöны да наён вöдитчöны мукöд йöз, кодьяслөн эм татшöм инöдыс, оз кö ло таысь лектор гөгöртаслы да оз кö тайö торк мукöд йöзлысь инöдыяс да оланпасөн урчитöм кöсйöмьяс.

Муён вöдитчанногсö урчитö оланпас.

38 статья

Быдөн уджалё ас вöляысь. Быдөнлөн эм инöd ас вöляысьыс веськöдны морттуйсö кытчö кöсийö, бöрийыны удж да уджсикас.

Мырдөн уджöдны оз позь.

Быдөнлөн эм инöd уджавны сэнi, кöни эм тырвыйö лöсялана видзчысянлун да уджалан сöстöмлун, эм инöd некутшöм ногөн кедзөвттöг да оланпасөн урчитöм медичöt удждонысь оз этшаджык удждон босьтöм вылö, а сiдзжö эм уджтöмалöмысь дорьян инöd.

Торья йöзлы да котырьяслы сетöма инöd удж кузя веньяс вылö, кодьясöс бырöдан ногыс урчитöма федеральной оланпасын, такöд тшötш и бастуйтöм вылö инöd.

Быдөнлөн эм шойчöм вылö инöd. Удж йылысь сёрнитчöм серти уджалысьлы сетсьö тыр позянлун федеральной оланпасөн урчитöм уджалан кад вылö, шойччан да гажöдчан луньяс вылö, быд вося мынтана шойчöг вылö.

39 статья

Мамлун, бательун да челядьдыр, аскотырöс дорйö канму.

Челядь вöсна тöжд, найöс быдтöм-сöвмöдöм — бать-мамлөн öткодь инöd да кывкутана мог.

Уджавны вермысь челядьлы, кодьяслы тырис 18 арöс, быть колö тöждысьны уджавны вермытöм бать-мам вöсна.

40 статья

Быдөнлөн эм тыр позянлун социальной могмöдöм вылö арлыд серти, висигөн, вермытöм вöсна, вердысьöс воштöм бöрын, челядьöс быдтöм-сöвмöдöм могысь да мукöдтор дырйи, кызди урчитöма оланпасын.

Канмуса пенсияяс да съöма социальной öтсöг урчитö оланпас.

Ошканаён лöö ас вöляысь социальной страхуйтчöм, социальной могмöдан содтöд сикас артмöдöм да бурвöчöм.

41 статья

Быдөнлөн эм инöd оланiн вылö. Некодлысь оз позь оланiнсö босьтны помкатöг.

Канму власьт органьяс да меставывса асвеськöдлан органьяс ошкöны оланiн кыпöдöм, сетöны позянлун збыльмöдны оланiн вылö инöd.

Судзсьытöмаяслы, оланпасын индöм мукöд гражданылы, кодьяслы колö оланiн, сийöс сетöны дон босьттöг либö лöсялана донысь канмуса, муниципалитетса да мукöд оланiн фондысь оланпасөн урчитöм муртöс серти.

42 статья

Быдөнлөн эм инöd дзоньвидзалун видзöм да медицина öтсöг вылö.

Канму сетö тыр позянлун дон босьттöг медицина öтсöг вылö йöзлысь дзоньвидзалун видзан канмуса да муниципалитетса учреждениеясын лöсялана сьöмкуд, страхöвöй мынтысьöм, мукöдлаысь воём сьöм весьтö.

Коми Республикаын федеральной уджтасьяс дорö сетöны содтöд сьöм йöзлысь дзоньвидзалун видзан да ёнмöдан республикаса уджтасьяс вылö, корсьöны туйяс йöзлысь дзоньвидзалун видзан канмуса, муниципалитетса,

аспом тэчасьяс сөвмөдөм могысь; ошканаон лоо мортлысь дзоньвидзалун ёнмөдан, физической культура да спорт сөвмөдан, вөр-ва да санитарно-эпидемиологической сөстөмлун видзан удж.

Йөз олөмлы да дзоньвидзалунлы лёк вөчөмтор да сылысь помкасö дзебөмысь чина йөз пондасны кывкутны федеральной оланпас серти.

43 статья

Быдөнлөн эм инөд овны сөстөм гөгөртасын, төдны сы йылысь збыльсö да босьтны вештысьөм, вөчөма кө лёктор сылөн дзоньвидзалунлы либө эмбурлы гөгөртас видзан инөд торкөм да омоль уджаланин вөсна.

Быдөнлы колө видзны вөр-ва да гөгөртас, төждысьны вөр-ва озырлун вөсна.

44 статья

Быдөнлөн эм инөд велөдчыны.

Сетөма тыр позянлун мытшөдтөг да мынтысьтөг велөдчыны школаөдзса, ставлы сетана шөр (тыр) да шөр тшупөда уджсикаса төдөмлун сетан канмуса либө муниципалитетса велөдан учреждениеасын да предприятиеасын.

Быдөн инөд серти вермө венласьөм подулын мынтысьтөг босьтны вылыс тшупөда төдөмлун канмуса либө муниципалитетса велөдан учреждениеасын да предприятиеасын.

Быдөнлы быть колө босьтны ставлы сетана подув төдөмлун. Бать-мам либө найөс вежысьяс могмөдөны челядьөс ставлы сетана подув төдөмлун босьтөмын.

Коми Республикаын вынаөсь канмуса велөдан стандартьяс, сетсьö мыджөда отсөг быдсикас велөдчөмлы да ас кежысь велөдчөмлы.

45 статья

Быдөнлы сетөма тыр позянлун литература, художество, наука, техника да мукөд сикас творчество вылө, велөдөм вылө вөля. Морт вежөр-мывкыдөн чужтөмасö видзö оланпас.

Быдөнлөн эм инөд пырөдчыны культура олөмө да вөдитчыны культура учреждениеасын, сибөдчыны культура озырлун дорө.

Быдөнлы быть колө төждысьны история да культура озырлуньяс вөсна, видзны история да культура памятникьяс.

46 статья киритөма.

47 статья

Быдөнлы быть колө мынтыны оланпасөн индөм став вотсö да өктассö. Оланпасьяс, кодьяс урчитөны выль вот либө омөльтөны вот мынтысьяслысь олөмсö, уджалөны сөмын найөс вынсьөдан кадсянь.

48 статья

Гражданинлөн долг да мог дорйыны Айму.

Гражданин нуö военной служба федеральной оланпас серти.

Гражданинлөн, сылөн видзодласыс либө енлы эскөмыс кө оз лэдз нуны военной служба, а сідзжө федеральной оланпасөн урчитөм мукөдтор дырйи, эм инөд вежны сійөс лөсялана гражданской службаөн.

49 статья

Коми Республикаын сетөма тыр позянлун мортлысь да гражданинлысь инөдьяссө да вөлясө канмуөн дорйөм вылө.

Быдөн инөд серти вермө быд ног дорйыны ассыс инөдьяс да вөля, сы вылө кө абу оланпасөн индөм кутөд.

50 статья

Быдөнлөн эм тыр позянлун дорйыны ёрдын ассыс инөдьяс да вөля.

Канму власьт органьяслөн, меставывса асвеськөдлан органьяслөн, өтйөза котырьяслөн да чина йөзлөн шуөм да вөчөмтор (либө вөчтөмтор) вылө позьө норасыны ёрдө.

Быдөн инөд серти вермө Россия Федерациялөн войтыркостса сёрнитчөмьяс серти шыөдчыны морт инөдьяс да вөля дорьян канмукустса органьясө, канмуын кө абу нин некутшөм позянлун дорйыны найөс.

51 статья

Некодлысь оз позь мырддыны инөд видлавны сылысь делөсө сэтшөм ёрдын да сэтшөм ёрдысьөн, кодьяслы шуөма видлавны сійөс оланпас серти.

Мыж вөчөмысь мыжданалөн эм инөд видлавны ёрдын сылысь делөсө присяжной заседательясөн, кор тайөс индөма федеральной оланпасөн.

52 статья

Быдөнлөн эм тыр позянлуна инөд босьтны тыр-бур юридической отсөг. Юридической отсөгыс сетсьө дон босьттөг, та йылысь кө урчитөма оланпасын.

Быд кутөмалөн, стража улө босьтөмалөн, лөк вөчөмысь мыжданалөн эм инөд босьтны отсөг адвокатсянь (дорйыссянь) сійөс кутан, стража улө босьтан либө мыждан кадсянь.

53 статья

Лөк вөчөмысь быд мыждана морт лоө мыжтөм сэтчөдз, кытчөдз сылысь мыжсө оз ло подулалөма федеральной оланпасын индөм ногөн да урчитөма оланпас серти вынсялөм ёрдшуөмөн.

Мыждана мортлы абу быть эскөдны аслас мыжтөмлунын.

Мортөс мыждигөн кө эм бырөдны позьтөм падьялөм, сійө бергөдчө мыжданалы бур вылө.

54 статья

Некодөс оз позь мөдысь ёрдыны өти и сійө жө мыжысь.

Ёрдігөн оз позь вөдитчыны федеральной оланпас торкалөмөн судзөдөм эскөданторьясөн.

Быд мыждомалон эм инод корны выльысь видлавны ёрдшуомсö вылынджык ёрдын федеральной оланпасон урчитом ногон, а сідзжө эм инод корны сійос мылыштны либө кокньодны накажитомсö.

55 статья

Некодлы абу быть висьтасьны аслыс, гөтырыслы либө верөсыслы да матысса рөдвужыслы паныд, кодьясөс стөчмөдома федеральной оланпасон.

Федеральной оланпас вермас и мукөд ногон мездыны быть висьтасьомысь.

56 статья

Инөдьяссö йөзлысь, кодьяслы вөчөма лектор да власьтсьянь омөльтор, видзö оланпас.

Канму сетö позянлун налы шыөдчыны ёрдö да босьтны вөчөм лекторсьыс вештысьом.

57 статья

Быдөнлөн эм инод босьтны канмусянь вештысьом сійö лекторсьыс, кодос вөчөма оланпас торкаломон (либө могьясысь эновтчөмон) канму власьт органьясон либө сэтысь чина йөзөн.

58 статья

Оланпас, кодi урчитö либө чорзьөдö кывкутом, кольом кадыслы оз инмы.

Некод оз кывкут вөчөмторйысь, вөчигас кө сійос эз лыддыны инод торкөмон. Инод торкөм бөрын кө сыысь кывкутомсö бырөдома либө кокньөдома, сэки вөдитчөны выль оланпасон.

59 статья

Коми Республика сулалө аслас олысьяс дор, кор найö кутшөмкө кадколастö олөны республикаысь бокин.

60 статья

Тайö юрпасса гижөдысыс артмөдоны мортлөн инода статуслысь подувсö да найос позьö вежны сөмын тайö Оланподулөн урчитом ногон.

3 юрпас. КОМИ РЕСПУБЛИКАЛӨН КАНАЛАН СТАТУС, АДМИНИСТРАТИВНОЙ ДА МУТАС ТЭЧАСНОГ

61 статья

Коми Республикалысь – Россия Федерацияö пырысь канмулысь – статуссö индома Коми Республикаса Оланподулөн да Россия Федерацияса Оланподулөн.

Коми Республикалысь статуссö позьö вежны оланподула федеральной оланпас серти Россия Федерация да Коми Республика костын сёрнитчөмон.

62 статья

Коми Республика ас мутасын кутö канмулысь став власьтсö, сийö уджмогъясысь öтдор, кодъясöс сетöма Россия Федерация веськöдлöм улö Россия Федерациялöн веськöдланторъяс серти да Россия Федерациялöн да Россия Федерацияса субъектъяслöн öтувъя веськöдланторъяс серти.

Россия Федерацияса канму власьт органъяс да Коми Республикаса канму власьт органъяс костын веськöдланторъяссö да уджмогъяссö юкöны Россия Федерацияса Оланподув серти, федеральной оланпасьяс серти, веськöдланторъяс да уджмогъяс юклöм йылысь Федеративной да мукöд сёрнитчöм серти.

Коми Республика ачыс лöсьöдö войтыркостса да экономикаын ортсыса йитöдъяс, Россия Федерацияса мукöд республикакöд, дормукöд, обласьткöд, асвеськöдлан обласьткöд, асвеськöдлан кытшкöд сёрнитчöмъяс, найö кö оз мунны Россия Федерацияса Оланподувлы паныд.

63 статья

Россия Федерацияса Оланподув серти Россия Федерациялöн веськöдлöм улö пырöны:

а) Россия Федерациялысь Оланподув да федеральной оланпасьяс вынсьöдöм да вежлалöм, найöс збыльмöдöм бöрся видзöдöм;

б) Россия Федерациялöн федеративной тэчасног да мутас;

в) мортлысь да гражданинлысь инöдъяс да вöля ладмöдöм да дорйöм; Россия Федерацияса гражданство; этша лыда войтырсикасьяслысь инöдъяс ладмöдöм да дорйöм;

г) оланпас пыртысь, олöмö пöртысь да ёрд власьтлöн федеральной органъяслысь тэчас, найöс котыртанног да налысь уджаланног лöсьöдöм; канму власьтлысь федеральной органъяс артмöдöм;

д) федеральной канму эмбур да сыöн веськöдлöм;

е) Россия Федерациялöн канму, экономической, экологической, социальной, культурной да национальной сöвмöдан юкöнын федеральной политикалысь подувъяс да федеральной уджтасьяс лöсьöдöм;

ж) öтувъя рыноклысь инöда подувъяс лöсьöдöм; сьöмөн, валютаөн, кредитөн, канкерка уджөн веськöдлöм, сьöм лэдзöм, дон политика подув; федеральной экономика службаяс, тшöтш федеральной банкьяс;

з) федеральной сьöмкуд; федеральной вот да öктас; динму сöвмöдан федеральной фондьяс;

и) федеральной энергетика тэчасьяс, ядерной энергетика, юксян материалъяс; федеральной транспорт, туйяс, юöртöм да связь; ентыкола удж;

к) Россия Федерациялöн ортсыса политика да войтыркостса йитöдъяс, Россия Федерациялöн войтыркостса сёрнитчöмъяс; война да миркöд йитчöм могъяс;

л) Россия Федерациялöн экономикаын ортсыса йитöдъяс;

м) дорйысянлун да видзчысянлун; дорйысянторъяс вöчöм-лэдзöм; öружие, боеприпас, военной техника да мукöд военной эмбур вузаланног да ньöбанног урчитöм; пагöданторъяс, дурмöданторъяс вöчöм да наён вöдитчанног;

н) Россия Федерацияса канму суйёрлысь, мутас саридзлысь, сынёдлысь, торъялана экономика зоналысь да континент шельфлысь статус урчитём да найос дорйём;

о) ёрдтэчас; прокуратура; уголовной да уголовно-исполнительной оланпастэчас; амнистия да мылыштём; гражданской оланпастэчас; процессуальной оланпастэчас; морт-вежөр мывкыдён чужтёмтор инёд серти ладмөдём;

п) федеральной коллизииной инёд;

р) поводдя тёдмалан служба, стандартъяс, муртөг, муртас тэчас да кад арталём; мусяр пертас туялём да мусерпас тэчём; иннимьяс сетём; официальной статистика да бухгалтерия серти арталём;

с) Россия Федерация канму наградаяс да почёт нимьяс;

т) федеральной канму служба.

Россия Федерациялөн веськөдланторъяс кузя пыртём оланподула федеральной оланпасьяс да федеральной оланпасьяс веськыда уджалёны Коми Республика мутасын.

64 статья

Россия Федерациялөн да Коми Республикалөн отывив веськөдлём улё пырёны:

а) Коми Республикаса Оланподувлөн, Коми Республикаса оланпасьяслөн да инёда мукөд нормативной актлөн Россия Федерацияса Оланподувлы да федеральной оланпасьяслы лөсялөмсө могмөдём;

б) мортлысь да гражданинлысь инөдыяс да вөля дорйём; этша лыда войтырсыкасыяслысь инөдыяс дорйём; оланпаслун, инёда олан кутөд, войтырлысь өпастөмлун видзём; суйёрбердса зонаясын оланног;

в) му, му пытшкөс, ва да ывлавывса мукөд озырлун кутанног, наён вөдитчанног да веськөдлём;

г) канмулысь эмбур стөчмөдём-торйөдём;

д) му озырлунөн вөдитчём; вөр-ва, сынөд да гөгөртаслысь сөстөмлун видзём да экологиялысь өпастөмлун могмөдём; торйөн видзана вөр-ва мутасыяс дөзьөрритём; история да культура памятникьяс видзём;

е) челядьос быдтём-сөвмөдөмын, велөдөмын, наукаын, культураын, мортос ёнмөдөмын да спортын отувья юалөмьяс;

ж) йөзлысь дзоньвидзалун видзан удж ладмөдём; аскотырөс, мамлун, батылун да челядьдыр дорйём; йөзос социальной дорйём, тшөтш и социальной могмөдём;

з) виччысьтём неминучаяслы, ускөттьёлы, пөрөслы паныд удж котыртём, на понда лоанторъяс бырөдём;

и) Россия Федерацияын вот да өктас индан да чукөртан отувья юрподувьяс лөсьөдём;

к) административной, административно-процессуальной, удж, аскотыр, оланін, му, ва, вөр, му пытшкөс оланпастэчас, вөр-ва да сынөд видзан оланпастэчас;

л) ёрд да инёд видзан органьясын уджалысьяс; адвокатура, нотариат;

м) этша лыда этнической котырьяслысь нэмөвөйся оланін да налысь оласног дорйём;

н) канму власьт органьяслысь да меставывса асвеськӧдлан органьяслысь тэчас котыртан ӧтувья юрподувьяс лӧсьӧдӧм;

о) Коми Республикалӧн войтыркостса да экономикаын ортсыса йитӧдьяс ладмӧдӧм, Россия Федерациялысь войтыркостса сёрнитчӧмьяс олӧмӧ пӧртӧм.

Ӧтвыв веськӧдланторьяс кузя йӧзӧдсьӧны федеральной оланпасьяс, кодьяс серти Коми Республика вынсьӧдӧ ассьыс оланпасьяс да пӧртӧ найӧс олӧмӧ.

65 статья

Коми Республикаса оланпасьяс да инӧда мукӧд акт оз вермы мунны паныд оланпасьяслы, кодьясӧс канму власьтлӧн федеральной органьяс вынсьӧдӧсны Россия Федерациялӧн уджмогьяс серти.

Коми Республикаса оланпасьяс, кодьясӧс вынсьӧдӧма сылӧн уджмогьяс серти, Коми Республика мутасын пӧртӧны олӧмӧ веськыда да найӧс быть колӧ пӧртны олӧмӧ быд юридическӧй кывкутысьлы да торья мортлы. Федеральной оланпас да Коми Республикаса инӧда нормативной акт костын кӧ эм паныд мунӧм да сийӧс йӧзӧдӧмыс кӧ оз пыр Россия Федерациялӧн веськӧдлӧм улӧ, Россия Федерациялӧн да Россия Федерацияса субъектъяслӧн ӧтвыв веськӧдлӧм улӧ, сэки уджалӧ Коми Республикаса инӧда нормативной акт.

66 статья

Коми Республика ачыс лӧсьӧдӧ республикаса канму власьт органьяслысь тэчасӧ оланподув тэчаслӧн мыджӧдьяс серти, Россия Федерацияын канму власьтлысь бӧрйӧм да олӧмӧ пӧртысь органьяс котыртан ӧтувья юрподувьяс серти да Коми Республикаса оланпастэчас серти.

Россия Федерациялӧн веськӧдлӧм улӧ пыртӧмторьяс серти да Россия Федерациялӧн да Россия Федерацияса субъектъяслӧн ӧтвыв веськӧдланторьяс кузя Россия Федерациялӧн уджмогьяс серти Коми Республикаса олӧмӧ пӧртысь власьт органьяс пырӧны Россия Федерацияса олӧмӧ пӧртысь власьтлӧн ӧтувья тэчасӧ.

Коми Республикаса олӧмӧ пӧртысь власьт органьяс олӧмӧ пӧртысь власьтлӧн федеральной органьяскӧд сёрнитчӧмӧн, тайӧ кӧ оз мун паныд Россия Федерацияса Оланподувлы да федеральной оланпасьяслы, вермӧны босьтны ас вылӧ олӧмӧ пӧртысь власьтлӧн федеральной органьясӧн сетӧм уджмогьяс, а сідзжӧ сетны олӧмӧ пӧртысь власьтлӧн федеральной органьяслы ассьыныс ӧткымын уджмог.

67 статья

Коми Республикаса канму кывьясӧн лоӧны коми да роч кывьяс.

Республикаын олысь войтырьяслӧн Коми Республикаын эм тыр позянлуна инӧд чужан кыв видзӧм вылӧ, сийӧс велӧданног да сӧвмӧданног лӧсьӧдӧм вылӧ.

68 статья

Коми Республикаса канму канпас, дӱрапас да кып, найӱс серпасалӱм да официальной вӱдитчанног урчитсьӱ Коми Республикаса оланпасӱн.

69 статья

Коми Республикалӱн юркарыс Сыктывкар.

70 статья

Коми Республика артмӱ административной да мутас юкӱнъясысь: Изьва, Княжпогост, Койгорт, Кӱрткерӱс, Луздор, Сыктывдӱн, Сыктыв, Мылдӱн, Удора, Емдӱн, Кулӱмдӱн, Чилимдӱн районъясысь;

Сыктывкар, Воркута, Вуктыл, Инта, Печора, Сосногорск, Усинск да Ухта республиканской тӱдчанлуна каръясысь да на увса мутасьясысь.

Коми Республика ачыс видлалӱ-вежлалӱ республикаса административной да мутас тӱчасногсӱ уджалысь оланпастӱчас серти.

II ЮКӱД.

4 юрпас. ОЛАНПАС ПЫРТЫСЬ ВЛАСЬТ

71 статья

Коми Республикаса Каналан Сӱвет лӱӱ Коми Республикаса пыр уджалан медвылыс да войтыр нимсянь уджалысь оланпас пыртысь дзик ӱти власьт органӱн.

Коми Республикаса Каналан Сӱветӱ пырӱ 30 депутат, кодьясӱс бӱрйӱны Коми Республика мутасын олысь Россия Федерацияса граждана да кодьяслӱн федеральной оланпас серти эм активной бӱрйысян инӱд, ставлы инмана, быдӱнлы ӱткодь да веськыд бӱрйысян инӱд серти гусьӱн гӱлӱсуйтӱмӱн.

Коми Республикаса Каналан Сӱвет бӱрйӱны вит во кежлӱ.

Коми Республикаса Каналан Сӱветлӱн эмӱсь юридической кывкутысьлӱн инӱдьяс, эм канпаса печат.

Коми Республикаса Каналан Сӱветлӱн депутатӱ вермасны бӱрйыны Россия Федерацияса гражданинӱс, кодлы тырӱма 21 арӱс да кодлӱн эм федеральной оланпас серти, Коми Республикаса Оланподув да Коми Республикаса оланпас серти пассивной бӱрйысян инӱд.

Коми Республикаса Каналан Сӱветӱ бӱрйысьӱм нуӱданног урчитӱ Коми Республикаса оланпас федеральной оланпастӱчас серти.

Коми Республикаса Каналан Сӱвет аслас уджас ачыс видлалӱ котыртан, инӱда, юӱртан, материалӱн да техникаӱн да сьӱмӱн могмӱдан юалӱмьяс.

Коми Республикаса Каналан Сӱвет удж нуӱдӱм вылӱ рӱскодсӱ урчитӱны Коми Республикаса республиканской сьӱмкудйын торья визьӱн.

72 статья

Коми Республикаса Каналан Сӱвет асьыс уджсӱ нуӱдӱ сессияс пыр, кодьяс артмӱны чукӱртчылӱмьясысь, а сӱдзжӱ комитетьяслӱн, Каналан Сӱветса мукӱд органлӱн чукӱртчылӱмьяс пыр.

Коми Республикаса Каналан Сӱвет чукӱртчӱ медводдза чукӱртчылӱм вылӱ сӱйӱс бӱрйӱм бӱрын дас витӱд луӱ, лои кӱ бӱрйӱма депутатьяслӱн

урчитом лыдысь кык коймод юконысь абу этшаджыкös. Медводдза чукортчылöмсö восьтö медыджыд арлыда депутат.

Коми Республикаса Каналан Сöветлön чукортчылöм лоö инöдаөн, сылön уджö кö пырöдчö урчитом лыдысь кык коймод юконысь оз этшаджык депутат. Каналан Сöветлön инöда чукортчылöмыс нуöдсьö куим тöлысьнас öтчыдысь оз этшаджык.

Коми Республикаса Каналан Сöветлön чукортчылöмьяс мунöны восьсөн, сыысь кындзи, мый урчитöма федеральной оланпасьясөн, Коми Республикаса оланпастэчасөн да Коми Республикаса Каналан Сöветлön Уджаланартөн.

Коми Республикаса Каналан Сöвет котыртö комитетьяс, Коми Республикалön Каналан Сöветса мукöд орган.

Ас пöвстысь депутатьяс бöрйöны Коми Республикаса Каналан Сöветön Вескöдлысьöс, сийös вежысьясös, комитетьясөн да Коми Республикалön Каналан Сöветса мукöд органön вескöдлысьясös либö юрнуöдысьясös да найös вежысьясös.

Депутатьяс вермöны вöчны депутатлысь уджсö Коми Республикаса Каналан Сöветын пыр уджалгөн профессиональной подув вылын либö медшöр уджысь дугöдчывтöг. Профессиональной подув вылын пыр уджалысь депутат лыдыс урчитсьö Коми Республикаса оланпасөн.

Коми Республикаса Каналан Сöвет котыртöм, лöсьöдöм, сыön удж нуöдöм, сылön уджмогыяс да кывкутöмыс мыджсьöны Россия Федерацияса Оланподув вылö да ладмöдсьöны оланподула федеральной оланпасьясөн, федеральной оланпасьясөн, Коми Республикаса Оланподулön да на серти вынсьöдöм Коми Республикаса оланпасьясөн да инöда мукöд нормативной актön. Коми Республикалön Каналан Сöветса органьяслön уджаланногыс урчитсьö Коми Республикаса оланпасьясөн, Коми Республикаса Каналан Сöветлön Уджаланартөн, а сідзжö вермö урчитсьыны органьяслön панасьясөн.

73 статья

Коми Республикаса Каналан Сöвет:

1) вынсьöдö Коми Республикаса Оланподув, пыртö сэтчö вежсьöмьяс да (либö) содтöдьяс;

2) Коми Республикалön уджмогыяс кузя оланпастэчас серти нуöдö ладмöдан удж Коми Республикалön вескöдланторьяс да Россия Федерациялön да Россия Федерацияса субъектьяслön öтвыв вескöдланторьяс серти;

3) индö Коми Республикаса Юралысьöс бöрьянног да Коми Республикаса Юралысьöс чöвтны коранног;

3¹) индö Коми Республикаса Каналан Сöветö бöрйысьöм нуöданног, а сідзжö Коми Республикаса референдум инданног да сийös нуöданног;

4) кывзö Коми Республикаса Вескöдлан котырлön удж йылысь Коми Республикаса Юралысьлысь быдвоя отчётьяс, сы лыдын и Коми Республикаса Каналан Сöветлön юалöмьяс кузя;

5) Коми Республикаса Оланподулён да Коми Республикаса оланпасьясён урчитёмён да индём ногён видзёдö та вылö уджмога мукöд органкöд Коми Республикаса оланпасьяс пьдди пуктём да найöс олёмö пöртём бöрся, Коми Республикаса республиканскöй сьёмкуд олёмö пöртём бöрся, сьёмкудйö пырттём Коми Республикаса фондьяслён мутасса канму сьёмкудьяс олёмö пöртём бöрся, Коми Республикаса кийн кутан эмбурён вöдитчан урчитанног пьдди пуктём бöрся;

6) сöгласуйтö Коми Республикаса Юралысьён пыртём вöзйöмьяс Коми Республикаса Велькöдлан котырөн Велькöдлысьöс; Коми Республикаса Велькöдлан котырөн Велькöдлысьöс Медводдза вежысьöс; Коми Республикалөн сьём овмöс министрöс; Россия Федерацияын да сьлөн субъектъясын, суйöрсайса канму мутасьясын Коми Республикаöс петкöдлысьясöс чинö индём кузя;

б¹) индö чинö да мездö чинысь Коми Республикаын морт инöдьяс торья дорйысьöс;

7) збыльмöдö Россия Федерацияса Оланподулён, федеральнöй оланпасьясён, Коми Республикаса Оланподулён да Коми Республикаса оланпасьясён урчитём мукöд уджмог.

74 статья

Коми Республикаса Каналан Сöветөн Велькöдлысьлөн да сийöс вежысьяслөн уджмогьясыс урчитсьöны Коми Республикаса оланпасьясён да на серти вынсьöдём Коми Республикаса инöда мукöд нормативнöй актөн.

75 статья

Оланпас вöзьян инöд сетöма Коми Республикаса Каналан Сöветлөн депутатъяслы, Коми Республикалөн Каналан Сöветса комитетъяслы, Коми Республикаса Каналан Сöветөн Велькöдлысьлы, Коми Республикаса Юралысьлы, Коми Республикаса Велькöдлан котырлы, Коми Республикаса прокурорлы, Коми Республикаса Оланподув Ёрдлы, муниципальнöй юкөнъясса бöрийём органъяслы, "Коми войтыр" динмукутса öтйöза öтмунöмлы, Россия Федерацияса Федеральнöй Собраниелөн Федерация Сöветö пырысьяслы – Коми Республикаса Каналан Сöветöс да Коми Республикаса Велькöдлан котырöс петкöдлысьяслы. Коми Республикалөн Каналан Сöветса Президиумлөн, пыр уджалысь, недыр кад уджалысь комиссияслөн эм оланпас вöзьян инöд налөн уджын велькöдланторьяс кузя.

Коми Республикаса Каналан Сöветö Коми Республикаса Юралысьён пыртём оланпас балаяс видлавсьöны сьлөн вöзйöм кузя медводдзаясён.

Вотьяс пыртём либö киритём, найöс мынтöмысь мездём, Коми Республикаса сьём кöсйысьöмьяс вежём йылысь оланпас балаяс, мукöд оланпас бала, кöни рöскодыс артавсьö Коми Республикаса республиканскöй сьёмкуд сьём тшöт вельтö, Коми Республикаса Каналан Сöветөн видлавсьöны Коми Республикаса Юралысьлөн вöзйöм серти либö сьлөн кывкöртöд серти. Тайö кывкöртöдыс сетсьö Коми Республикаса Каналан Сöветö Коми Республикаса Юралысьлы оланпас бала воан лунсянь кызь лунён.

76 статья киритöма.

77 статья

Коми Республикаса Каналан Сöветöн вынсьöдöм оланпасыс дас лунöн мөдöдсьö Коми Республикаса Юралысьлы йöзöдöм могысь.

Коми Республикаса Юралысь йöзöдö Коми Республикаса оланпассö, оланпас йöзöдöмсö эскöдö кырымалöмөн либö вештö оланпассö тайö оланпаслөн воёмсянныс дас нель лунöн. Коми Республикаса Юралысь кö вештö Коми Республикаса оланпассö, вештöм оланпассö бөр мөдöдöны Коми Республикаса Каналан Сöветö вештöмсö подулалöмөн либö вежсьöмьяс да (либö) содтöдьяс сэтчö пыртны вöзйöмөн.

Коми Республикаса Юралысь кö вештö Коми Республикаса оланпассö, Коми Республикаса Каналан Сöвет вермас ошкыны тайö оланпассö воддза вынсьöдöм редакцияөн урчитöм депутат лыдысь кык коймöд юкöнысь унджык гөлöсөн.

Воддза вынсьöдöм редакцияөн ошкöм Коми Республикаса оланпассö Коми Республикаса Юралысь оз вермы вештыны мöдысь да сйöс колö йöзöдны сизим лунöн.

Колö кырымавны да йöзöдны воёмсянныс дас нель лунöн тшöтш и Коми Республикаса Юралысьөн вештытöм оланпас.

78 статья

Ассьыс уджмогьяс олöмö пöртан кадö Коми Республикаса Каналан Сöветлөн депутат кутчысьö депутат уджкöд йитчöм дзескöдöмьясö да могьясö, кодьясöс урчитöма федеральной оланпасьясөн.

Коми Республикалөн Каналан Сöветса депутат, кодi олöмö пöртö ассьыс уджмогьясö пыр уджалан профессиональной подув вылын, абу инöда уджавны мынтысяна мöд удж вылын, велöдан, научной да мукöд творческой уджысь кындзи, мöдтор кö абу артыштöма Россия Федерацияса оланпастэчасөн.

Коми Республикалөн Каналан Сöветса депутат абу инöда вöдитчыны аслас статусөн, уджыс кö сылөн абу йитчöма депутат уджмогьяс олöмö пöртöмкöд.

Коми Республикалөн Каналан Сöветса депутатлы инöдьяс да могьяс мытшöдтöг да бура олöмö пöртöм могысь лöсьöдöны уджалан подув. Депутат удж нуöдöм вылö тыр позянлуньяс урчитсьöны Коми Республикаса оланпасөн.

Коми Республикалөн Каналан Сöветса депутатöс вöрзьöдны позьтöмлун вылö тыр позянлуньяс урчитсьöны федеральной оланпастэчасөн.

Коми Республикалөн Каналан Сöветса депутатьяслөн уджкöд йитчöм юалöмьяс видлавсьöны Коми Республикаса оланпастэчас серти.

79 статья

Коми Республикаса Каналан Сöветлысь уджмогьяс вермасны кадысь водз дугöдны, кор:

1) Коми Республикаса Каналан Сöвет вынсьöдö ассьыс уджсö дугöдöм йылысь шуöм;

2) Коми Республикаса Каналан Сöветлысь уджсö дугöдö Коми Республикаса Юралысь федеральной оланпастэчас серти тайö статьяса мöд да коймöд юкөнъясөн урчитöм подув вылын да пöрадокөн;

3) вынсялö Коми Республикаса Медвылыс Ёрдлөн помшуöм сы йылысь, мый Коми Республикалөн Каналан Сöветса депутатъяслөн тайö котырыс абу инöда, тшöтш и сэки, кор депутатъяс энöвтчöны асланыс уджмогъясысь;

4) Коми Республикаса Каналан Сöветлысь уджсö дугöдöны Россия Федерацияса Президентлөн помшуöм серти федеральной оланпасөн урчитöм подув вылын да пöрадок серти.

Коми Республикаса Юралысь инöд серти вермö вынсьöдны Коми Республикаса Каналан Сöветлысь уджмогъяс кадысь водз дугöдöм йылысь помшуöм, кор:

1) Коми Республикаса Каналан Сöвет вынсьöдö Коми Республикаса Оланподув, Коми Республикаса оланпас, инöда мукöд нормативной акт, кодъяс мунöны паныд Россия Федерацияса Оланподувлы, Россия Федерациялөн веськöдлантор кузя да Россия Федерациялөн да Россия Федерацияса субъектыяслөн öтвыв веськöдлантор кузя вынсьöдöм федеральной оланпасъяслы, Коми Республикаса Оланподувлы, татшöм паныд мунöмъяссö кö индöма лöсялана ёрдөн, а Коми Республикаса Каналан Сöвет эз бырöд найöс ёрдлөн помшуöм вынсялан лунсянь квайт тöлысьöн;

2) лöсялана ёрдлөн вынсялöм помшуöмөн кö урчитöма, мый инöда котырөн бöрйöм Коми Республикаса Каналан Сöвет куим тöлысь чöж помея эз нуöд чукöртчылöм, либö кор лöсялана ёрдлөн вынсялöм помшуöмөн урчитöма, мый инöда котырөн вылысь бöрйöм Коми Республикаса Каналан Сöвет инöда котырөн бöрйöм лунсянь куим тöлысь чöж эз нуöд чукöртчылöм. Коми Республикаса Каналан Сöветлысь уджмогъяс кадысь водз дугöдöм йылысь помшуöм позьö примитны лöсялана ёрдлөн помшуöм вынсялан лунсянь куим тöлысьöн.

Коми Республикаса Каналан Сöветлысь уджмогъяс кадысь водз дугöдöм йылысь Коми Республикаса Юралысьлөн помшуöм вынсьöдсьö индöдөн.

Коми Республикаса Каналан Сöветлысь уджмогъяс кадысь водз дугöдöм йылысь помшуöм вынсьöдöм бöрын индöны Коми Республикаса Каналан Сöветö чередтöм бöрйысьöмъяс федеральной оланпас, Коми Республикаса Оланподув да (либö) Коми Республикаса оланпас серти. Индöм бöрйысьöмъяс нуöдсьöны федеральной оланпасөн урчитöм кадö.

5 юрпас. ОЛÖМÖ ПÖРТЫСЬ ВЛАСЬТ

80 статья

Коми Республикаын олöмö пöртысь власьт збыльмöдöны Коми Республикаса Юралысь, Коми Республикаса Веськöдлан котыр да Коми Республикаса олöмö пöртысь власьтлөн мукöд орган, кодъяс збыльмöдöны олöмö пöртан да индалан могъяс да могмöдöны гражданысь инöдъяс да оланпасөн урчитöм тöждъяс.

Коми Республикаса Юралысь лоö Коми Республикаса медвылыс чина мортөн.

Коми Республикаса олөмө пöртсы влассь органьяс котыртöм, лöсьöдöм, наöн удж нуöдöм, налöн уджмогьяс да кывкутöмыс мыджсьöны Россия Федерацияса Оланподув вылö да ладмöдсьöны оланподула федеральнöй оланпасьясöн, федеральнöй оланпасьясöн, Коми Республикаса Оланподулöн да на серти примитöм Коми Республикаса оланпасьясöн да инöда мукöд нормативнöй актöн.

81 статья

Коми Республикаса Юралысьöс бöрйöны Россия Федерацияса граждана, кодьяс олöны Коми Республикаса мутасын да кодьяслöн федеральнöй оланпас серти эм активнöй бöрйысян инöд, ставлы инмана, быдöнлы öткодь да веськыд бöрйысян инöд серти гусьöн гөлöсуйтöмөн.

Коми Республикаса Юралысьöн вермас лоны Россия Федерацияса гражданин, кодлöн Россия Федерацияса Оланподув, федеральнöй оланпас серти эм пассивнöй бöрйысян инöд, кодлöн абу суйöрсайса канмулöн гражданство либö сэнi олöм вылö кабала либö Россия Федерацияса гражданинлöн суйöрсайса канму мутасын пыр олöм вылö инöд эскöдан мöд документ да кодлы тырöма нин 30 арöс.

Коми Республикаса Юралысьöс бöрйöны вит во кежлö да сийö оз вермы уджавны индöм чинын кыкысь унджык кадколаст дорвыв.

Коми Республикаса Юралысьöс бöрьянногсö урчитö Коми Республикаса оланпас федеральнöй оланпастэчас серти.

82 статья

Коми Республикаса Юралысь пырö чинö кыпыд кывсетöм бöрын:

«Коми Республикаса Юралысьлöн чинö пыригöн кыпыда кöсйыся кывкутöмөн пöртны олөмö ме водзö сувтöдöм Коми Республикаса Юралысьлысь тöдчана могьяс, пыдди пуктыны да дорйыны мортлысь да гражданинлысь инöдьяс да вöля, кутчысьны Россия Федерацияса Оланподулö, федеральнöй оланпасьясö, Коми Республикаса Оланподулö да Коми Республикаса оланпасьясö».

Кыпыд кывсетöм висьтавсьö Коми Республикаса канму кывьясöн Коми Республикаса Каналан Сöвет водзын Коми Республикалöн Оланподув Ёрдса ёрдысьяс дырйи.

83 статья

Ассьыс уджмогьяс збыльмöдан кадколастö Коми Республикаса Юралысьлы быть колö кутчысьны дзескöдöмьясö да кутöдьясö, кодьясöс урчитöма федеральнöй оланпасьясöн.

84 статья

Коми Республикаса Юралысь:

1) збыльмöдö ас уджмогьяс серти мортлысь да гражданинлысь инöдьяс да вöля олөмö пöртан, могмöдан да дорьян, ас эмбур да общественнöй пöрадок видзан, терроризмлы да экстремизмлы водзсасян, мыж вöчöмкöд тыш нуöдан мераяс;

2) петкөдлө Коми Республикаос канму власьт федеральнөй органьяскөд, Россия Федерацияса субъектьяслөн канму власьт органьяскөд, меставывса асвеськөдлан органьяскөд йитөдьясын да ортсыса экономическөй йитөдьясын, та дырйи Коми Республика нимсянь инөд серти вермө кырымавны сёрнитчөмьяс да артмөдчөмьяс;

3) йөзөдө оланпасьяс, кодьяслысь йөзөдөмсө эскөдө оланпасьяс кырымалөмөн, либө вештө Коми Республикаса Каналан Сөветөн вынсьөдөм оланпасьяс;

4) котыртө Коми Республикаса Воськөдлан котыр Коми Республикаса оланпастэчас серти да вынсьөдө Коми Республикаса Воськөдлан котырлысь удж дугөдөм йылысь помшуөм;

5) видзөдө Коми Республикаса Воськөдлан котырлөн, Коми Республикаса олөмө пөртысь власьт мукөд органлөн удж бөрся;

6) координируйтө Коми Республикаса олөмө пөртысь власьт органьяслысь Коми Республикаса канму власьт мукөд органкөд удж да Россия Федерацияса оланпастэчас серти вермө котыртны Коми Республикаса олөмө пөртысь власьт органьяслысь олөмө пөртысь федеральнөй власьт органьяскөд да налөн мутас органьяскөд, меставывса асвеськөдлан органьяскөд да өтйөза өтувьяскөд удж;

7) пыртө Коми Республикаса Каналан Сөветө сөгласуйтөм вылө Коми Республикаса Воськөдлан котырөн Воськөдлысьсөс; Коми Республикаса Воськөдлан котырөн Воськөдлысьсөс Медводдза вежысьсөс; Коми Республикалөн сьом овмөс министрөс; Россия Федерацияын да сылөн субъектьясын, суйөрсайса канму мутасьясын Коми Республикаос петкөдлысьяссөс чинө индөм кузя вөзйөмьяс;

8) индө чинө да мездө чинысь Коми Республикаса олөмө пөртысь власьт тэчасын Коми Республикаса чина йөзөс Коми Республикаса оланпас серти;

9) урчитө Коми Республикаса олөмө пөртысь власьт органьяслысь тэчассө;

10) сетө Коми Республикаса Каналан Сөветлы Коми Республикаса Воськөдлан котырлөн удж йылысь быдвоя отчётьяс, такөд тшөтш Коми Республикаса Каналан Сөветөн сувтөдөм юалөмьяс серти; индөм отчётьясын төдчөдө урчитөм кадколаст вылө Коми Республикалысь социально-экономическөй сөвмөм кузя медшөр туйвизьяссө;

11) сетө Коми Республикаса канму наградаяс да Коми Республикаса почёт нимьяс, вөзйө Россия Федерацияса канму наградаясөн наградитөм вылө;

12) сылөн эм инөд корны чукөртны Коми Республикаса Каналан Сөветлысь водзвыв урчиттөм заседание, а сідзжө чукөртны выльөн бөрийөм Коми Республикаса Каналан Сөвет медводдза чукөртчылөм вылө Коми Республикаса Каналан Сөветлы Коми Республикаса Оланподулөн урчитөм кадысь водздзык;

13) сылөн эм инөд пырөдчыны Коми Республикаса Каналан Сөветлөн уджө сёрнитчан гөлөса инөдөн;

14) сылөн эм инөд примитны Коми Республикаса Каналан Сөветлысь уджмогьяс кадысь водз дугөдөм йылысь помшуөм федеральнөй оланпас да Коми Республикаса Оланподув серти;

15) збыльмөдө федеральнӧй оланпасьясӧн, Коми Республикаса Оланподулӧн, Коми Республикаса оланпасьясӧн сы водзын сувтӧдӧм мукӧд уджмог.

85 статья

Коми Республикаса Юралысь аслас уджмогьяс серти Россия Федерацияса Оланподув, федеральнӧй оланпасьяс, Россия Федерацияса Президентлӧн нормативнӧй актъяс, Россия Федерацияса Велькӧдлан котырлӧн шуӧмьяс, Коми Республикаса Оланподув, Коми Республикаса оланпасьяс вылӧ мыджсьӧмӧн да найӧс збыльмӧдӧм могысь лӧдзӧ Коми Республикаын быть пӧртана индӧдьяс да тшӧктӧмьяс.

86 статья

Коми Республикаса Юралысьлӧн уджмогьяс помасьӧны Коми Республикаса Оланподулӧн индӧм кадколаст бӧрын.

Коми Республикаса Юралысьлӧн уджмогьясыс кадысь водз помасьӧны федеральнӧй оланпасӧн урчитӧм случайясын да пӧрадок серти.

86¹ статья

Коми Республикаса Юралысьлысь могьяс недыр кадколастӧ збыльмӧдысьӧс индӧ Россия Федерацияса Президент Коми Республикаса Юралысьӧ бӧрйӧм мортӧн чинӧ босьтчытӧдз, сэки да сы ног, кызди урчитӧма федеральнӧй оланпастэчасӧн.

Коми Республикаса Юралысьлысь могьяс недыр кадколастӧ збыльмӧдысьлӧн абу инӧдыс дугӧдны Коми Республикаса Каналан Сӧветлысь уджсӧ, вӧзйыны вежсьӧмьяс Коми Республикаса Оланподулӧ.

87 статья

Коми Республикаса Каналан Сӧвет инӧд серти вермӧ петкӧдлыны эскытӧмлун Коми Республикаса Юралысьлы сэк, кор:

1) сийӧ йӧзӧдӧ актъяс, кодъяс мунӧны паныд Россия Федерацияса Оланподувлы, федеральнӧй оланпасьяслы, Коми Республикаса Оланподувлы да Коми Республикаса оланпасьяслы, татшӧм лӧсявтӧмторьяссӧ кӧ эрдӧдӧс колана ёрд, а Коми Республикаса Юралысь ёрдлӧн помшуӧм вынӧ пыран лунсянь тӧлысь чӧжӧн эз бырӧд индӧм лӧсявтӧмторьяссӧ;

2) колана ёрдӧн эрдӧдӧма Россия Федерацияса Оланподув, федеральнӧй оланпасьяс, Россия Федерацияса Президентлысь индӧдьяс, Россия Федерацияса Велькӧдлан котырлысь шуӧмьяс, Коми Республикаса Оланподув да Коми Республикаса оланпасьяс мукӧд сикас ёна торкалӧм, та вӧсна кӧ унаысь торкӧма гражданылысь индӧдьяс да вӧля;

3) Коми Республикаса Юралысь ассьыс могьяссӧ оз колананог пӧрт олӧмӧ.

Коми Республикаса Каналан Сӧветлӧн Коми Республикаса Юралысьлы эскытӧмлун йылысь помшуӧм лӧӧ вынсьӧдӧмаӧн индӧм депутат лыдысь кык коймӧд юкӧн гӧлӧсӧн, водзмӧстчӧ кӧ индӧм депутат лыдысь этша вылӧ коймӧд юкӧныс.

Коми Республикаса Каналан Сöветлөн Коми Республикаса Юралысьлы эскытöмлун йылысь помшүөмсö ыстöны Россия Федерацияса Президентлы видлалöм вылö Коми Республикаса Юралысьöс чинысь вештöм кузя юалöм видлалöм могысь.

88 статья

Коми Республикаса Юралысь кутшöмкö кадколастö (висьöм, шойчöг вöсна) оз кö вермы олöмö пöртны асьыс могъяссö, найöс пöртö олöмö Коми Республикаса Вескöдлан котырөн Вескöдлысь либö, кор сийö абу, – Коми Республикаса Вескöдлан котырөн Вескöдлысьöс Медводдза вежысь, федеральной оланпасөн урчитöм случайясын кындзи.

Коми Республикаса Вескöдлан котырөн Вескöдлысь либö, кор сийö абу, – Коми Республикаса Вескöдлан котырөн Вескöдлысьöс Медводдза вежысь тайö статьяса медводдза юкöнын индöм случайясын збыльмöдö Коми Республикаса Юралысьлысь став уджмогсö, татшöм инöд кындзи:

- 1) дугöдны Коми Республикаса Каналан Сöветлысь удж;
- 2) пыртны Коми Республикаса референдум нуöдöм йылысь, Коми Республикаса Оланподув вежöм йылысь вöзйöмъяс;
- 3) лöсьöдны Коми Республикаса Вескöдлан котыр;
- 4) вынсьöдны Коми Республикаса Вескöдлан котырлысь удж дугöдöм йылысь помшүөм;
- 5) урчитны Коми Республикаса олöмö пöртысь власьт органъяслысь тэчас;
- 6) индыны чинö Коми Республикаса олöмö пöртысь власьт тэчасын Коми Республикаса чина йöзöс Коми Республикаса оланпас серти.

89 статья

Коми Республикаса Вескöдлан котыр лоö Коми Республикаса канму власьтлөн олöмö пöртысь медвылыс органён.

Коми Республикаса Вескöдлан котырö пырöны: Коми Республикаса Вескöдлан котырөн Вескöдлысь, Коми Республикаса Вескöдлан котырөн Вескöдлысьöс вежысьяс, Коми Республикаса министрьяс.

Коми Республикаса Юралысь вермö пыртны Коми Республикаса Вескöдлан котырö мукöд йöзöс Коми Республикаса Вескöдлан котырөн Вескöдлысьлөн вöзйöм серти.

Коми Республикаса Вескöдлан котыр лöсьöдöм йылысь помшүөмсö примитö Коми Республикаса Юралысь сылөн чинö пырöмсянь öти тöлысьысь оз сёрджык.

Коми Республикаса Вескöдлан котырлөн инöда статусыс, сылөн уджалан ногыс урчитсьö Коми Республикаса оланпасөн федеральной оланпастэчас серти.

Коми Республикаса Вескöдлан котыр асьыс уджмогъяс збыльмöдигөн лэдзö шүөмъяс да тшöктöмъяс.

89¹ статья

Коми Республикаса Вескöдлан котыр уджалö Коми Республикаса Юралысьлысь уджмогъяс збыльмöдан кадколастö да эновтчö аслас

уджмогъясысь выль кадколаст вылө бөрйөм Коми Республикаса Юралысь водзын, Коми Республикаса Велькөдлан котырлысь выль состав лөсьөдтөдз водзö уджалөмөн.

Коми Республикаса Юралысь вермө коть кутшөм кадö вынсьөдны Коми Республикаса Велькөдлан котырлысь удж дугөдөм йылысь помшуйм.

Коми Республикаса Велькөдлан котырөн Велькөдлысь, Коми Республикаса Велькөдлан котырö мукөд пырысь коть кутшөм кадö вермасны юөртны ассьыныс уджсö дугөдөм йылысь. Коми Республикаса олөмө пöртысь власьт тэчасын пыркадся профессиональнöй подулын уджалысь Коми Республикаса канму чин кутысьяслысь удж дугөдөм йылысь юалөмсö видлалöны федеральнöй оланпастэчас да Коми Республикаса оланпас серти.

Коми Республикаса Велькөдлан котырөн Велькөдлысьсöс чинысь вештöмкөд (чөвтöмкөд) тшöтш уджсьыс дугөдчö Коми Республикаса Велькөдлан котыр.

Коми Республикаса Велькөдлан котыр уджысь дугөдчөм бöрын водзö уджалö Коми Республикаса выль Велькөдлан котыр лөсьөдтөдз.

90 статья

Коми Республикаса Велькөдлан котырөн Велькөдлысьсöс чинö индö Коми Республикаса Юралысь Коми Республикаса Каналан Сöветкөд öтсöгласö воөм бöрын, чинысь вештö Коми Республикаса Юралысь.

Коми Республикаса Велькөдлан котырөн Велькөдлысьсöс индöны чинö Коми Республикаса Юралысьлысь уджмогъяс збыльмөдан кадколаст кежлö.

Коми Республикаса Велькөдлан котырөн Велькөдлысьлөн уджмогъясыс кольöны выльөн индөм Коми Республикаса Велькөдлан котырөн Велькөдлысьлөн чинö пыртөдз Коми Республикаса оланпасөн урчитөм пöрадок серти.

Кор Коми Республикаса Велькөдлан котырөн Велькөдлысь мыйкөдыра абу удж вылын (отпуск, висьөм, командировка дырйи), сэки Коми Республикаса Велькөдлан котырөн Велькөдлысьлысь уджмогъяссö збыльмөдö Коми Республикаса Велькөдлан котырөн Велькөдлысьсöс вежысьяс пиысь öти Коми Республикаса Велькөдлан котырөн Велькөдлысьсöс вежысьяс костын уджмогъяс юклөм серти.

91 статья

Коми Республикаса Велькөдлан котыр лөсьөдö да збыльмөдö Коми Республикасöс быд боксянь социальнöя да экономическöя сöвмөдан мераяс, пуктö пай сьöм, наука, велөдөм, йöзлысь дзоньвидзалун видзөм, культура, мортсö ёнмөдөм да спорт, социальнöя могмөдөм, туй вылын неминучаысь видзчысьöм да экология юкөнъясын öтувъя кансям нуөдөмö.

Коми Республикаса Велькөдлан котыр тайö статьяса медводдза юкөннын индөм мераяс збыльмөдөм могысь пöртö олөмө уджмогъяссö федеральнöй оланпастэчас, Коми Республикаса Оланподув, Коми Республикаса оланпасьяс серти.

Коми Республикаса Велькөдлан котыр уджалö канму власьтлөн федеральнöй органьяскөд, Россия Федерацияса мукөд субъектлөн олөмө

пӧртысь канму власьт органъяскӧд, Коми Республикаса канму власьт органъяскӧд, меставывса асвеськӧдлан органъяскӧд да организацияскӧд.

Коми Республикаса Веськӧдлан котырлӧн эм инӧд федеральной оланпастэчас да Коми Республикаса оланпастэчас серти ас уджмогыяс серти нуӧдны вочасӓрнияс, кырымавны сӓрнитчӧмьяс да артмӧдчӧмьяс, а сӓдзжӧ нуӧдны вочасӓрнияс да кырымавны войтыркостса да ортсы экономической йитӧдьяс йылысь артмӧдчӧмьяс.

6 юрпас. МЕСТАВЫВСА АСВЕСЬКӧДЛӦМ

92 статья

Меставывса асвеськӧдлӧм пӧртсӧ олӧмӧ Коми Республикаса мутас пасьтала кар, сикт овмӧдчӧминьясын, муниципальной районьясын, кар кытшьясын.

Муниципальной юкӧнъяслӧн мутас, тэчас, статус, административной шӧрин да мудор индысьӧны да вежсьӧны Коми Республикаса оланпасьясӧн Россия Федерацияса оланпастэчасӧн да Коми Республикаса оланпастэчасӧн индӧм ногӧн.

Меставывса асвеськӧдлӧм олӧмӧ пӧртӧм могысь лӧсьӧдӧны муниципальной юкӧнса бӧрйӧм орган, муниципальной юкӧнса олӧмӧ пӧртан-тшӧктан орган, бӧрйӧны муниципальной юкӧнса юралысьӧс, а сӓдзжӧ вермӧны лӧсьӧдны муниципальной юкӧнса подувпуктас серти меставывса асвеськӧдлан мукӧд орган.

Муниципальной юкӧнса юралысь лоӧ муниципальной юкӧнын медвылыс чина морт да сылы муниципальной юкӧнса подувпуктасӧн оланпастэчас серти сетӧма ас уджмогыяс меставывса тӧдчанлуна могьяс видлалӧм вылӧ.

Лӧсьӧдан ног, уджмогыяс, уджмог кадколаст, кодӓ кодлы сетӧ отчет, кодӓ код бӧрся видзӧдӧ, а сӓдзжӧ меставывса асвеськӧдлан органьясӧс котыртӧмын да налӧн уджын мукӧд мог индӧ муниципальной юкӧнса подувпуктас оланпастэчас серти.

93 статья

Муниципальной юкӧнса бӧрйӧм органӧн лоӧ муниципальной юкӧнса Сӧвет.

Муниципальной юкӧнса бӧрйӧм орган лӧсьӧдӧны оланпастэчас да муниципальной юкӧнса подувпуктас серти.

Муниципальной юкӧнса бӧрйӧм органлӧн веськӧдлӧм улӧ пырӧны юалӧмьяс, кодьясӧс оланпастэчас да муниципальной юкӧнса подувпуктас серти индӧма муниципальной юкӧнса бӧрйӧм органлӧн веськӧдлӧм улӧ.

94 статья

Муниципальной юкӧнса олӧмӧ пӧртан-тшӧктан органӧн лоӧ муниципальной юкӧнса администрация.

Муниципальной юкӧнса олӧмӧ пӧртан-тшӧктан органлӧн веськӧдлӧм улӧ пырӧны меставывса тӧдчанлуна юалӧмьяс, кодьяс оланпастэчас да муниципальной юкӧнса подувпуктас серти оз пырны муниципальной юкӧнса

бөрйөм органлөн, муниципальнөй юкөнса юралысьлөн да меставывса асвеськөдлан мукөд органлөн веськөдлөм улө.

7 юрпас. ЁРД ВЛАСЬТ. ПРОКУРАТУРА

95 статья

Коми Республикаын ёрд власьт збыльмөдöны федеральнөй ёрдьяс да Коми Республикаса ёрдьяс.

Коми Республикаса ёрдьясөн лоöны Коми Республикаса Оланподув Ёрд да мирövөй ёрдысьяс, кодьяс пырöны Россия Федерацияса ёрд власьт тэчасö.

96 статья

Коми Республикаса Оланподув Ёрдын 5 ёрдысь.

Коми Республикаса Оланподув Ёрд видлалö делöяс Коми Республикаса Каналан Сöветлөн, Коми Республикаса Юралысьлөн, Коми Республикаса Веськөдлан котырлөн, Коми Республикаса Каналан Сöветö бөрйөм дасöд юкөн депутатлөн, Коми Республикаса Медвылыс Ёрдлөн, Коми Республикаса Арбитражнөй ёрдлөн, Коми Республикаса прокурорлөн, меставывса асвеськөдлан органьяслөн шыöдчöмьяс серти, лöсялöны-ö Коми Республикаса Оланподувлы:

а) Коми Республикаса оланпасьяс, Коми Республикаса Каналан Сöветлөн, Коми Республикаса Юралысьлөн, Коми Республикаса Веськөдлан котырлөн инöда нормативнөй актьяс;

б) меставывса асвеськөдлан органьяслөн инöда нормативнөй актьяс.

Гражданалысь оланподула инöдьяс да вöля дзескөдöм вылö норасьöмьяс серти да ёрдьяслөн корöм серти Коми Республикаса Оланподув Ёрд видлалö, лöсялö-ö оланподувлы инöда нормативнөй акт, кодөн вöдитчöма либö колö вöдитчыны торья делöын, кодi пырö Коми Республикаса канму власьт органьяслөн веськөдлөм улö да Коми Республикаса канму власьт органьяслөн да Россия Федерацияса канму власьт органьяслөн öтвыв веськөдлөм улö, а сiдзжö индöм юалöмьяс кузя, кодьяс пырöны меставывса асвеськөдлан органьяслөн веськөдлөм улö.

Коми Республикаса Оланподув Ёрд Коми Республикаса Каналан Сöветлөн, Коми Республикаса Юралысьлөн, меставывса асвеськөдлан органьяслөн корöм серти гөгөрвöдö Коми Республикаса Оланподув.

Актьяс либö торья юкөньяс, кодьясöс шуöма Оланподувлы лöсвятöмөн, воштöны вынсö.

Коми Республикаса Оланподув Ёрдлысь уджмогьяссö, сiйöс артмöдан да сылысь уджалан ногсö урчитö Коми Республикаса оланпас федеральнөй оланпастэчас да Коми Республикаса Оланподув серти.

97 статья

Коми Республикаса Каналан Сöвет индö Оланподув Ёрдö ёрдысьясöс Коми Республикаса Юралысьлөн вöзйöм серти.

98 статья

Коми Республикаын мирövöй ёрдысьяс лоöны Коми Республикаса öтүвья юрисдикцияа ёрдысьясöн.

Мирövöй ёрдысьяслысь уджалан ногсö урчитö Коми Республикаса оланпас федеральнöй оланпасьяс серти.

Мирövöй ёрдысьясöс индö Коми Республикаса Каналан Сöвет Коми Республикаса оланпасöн урчитöм ногöн.

99 статья

Коми Республикаын федеральнöй ёрдьясöн веськöдлысьясöс, веськöдлысьясöс вежысьясöс да ёрдысьясöс индöны федеральнöй оланпастэчас серти.

100 статья

Коми Республикаса прокуратура пырö Россия Федерацияса прокуратуралöн öтүвья тэчасö.

Коми Республикаса прокурорöс федеральнöй оланпастэчас серти индöны чинö Коми Республикаса Каналан Сöветкöд сёрнитчöмöн.

III ЮКÖД

8 ЮРПАС. КОМИ РЕСПУБЛИКАСА ОЛАНПОДУВ ВЫНСЬÖДÖМ. КОМИ РЕСПУБЛИКАСА ОЛАНПОДУЛÖ ВЕЖСЬÖМЪЯС ДА (ЛИБÖ) СОДТÖДЪЯС ПЫРТÖМ

101 статья

Коми Республикаса Оланподув вынсьöдöм йылысь, Коми Республикаса Оланподулö вежсьöмьяс да (либö) содтöдьяс пыртöм йылысь вöзйöмьяс Коми Республикаса Каналан Сöветö пыртöны органьяс да йöз, кодьяслöн тайö Оланподув серти эм оланпас вöзьян инöд.

102 статья

Коми Республикаса Оланподувсö вынсьöдö Коми Республикаса Каналан Сöвет урчитöм депутат лыдысь кык коймöд юкöнысь унджык гөлöсöн.

Коми Республикаса Оланподулö вежсьöмьяс да (либö) содтöдьяс пыртöны Коми Республикаса оланпасöн. Коми Республикаса Оланподулö вежсьöмьяс да (либö) содтöдьяс пыртöм йылысь Коми Республикаса оланпассö вынсьöдö Коми Республикаса Каналан Сöвет Коми Республикаса Каналан Сöветлöн урчитöм депутат лыдысь кык коймöд юкöнысь абу этшаджык гөлöсöн.

103 статья

Коми Республикаса Каналан Сöветöн вынсьöдöм Коми Республикаса Оланподув либö Коми Республикаса Оланподулö вежсьöмьяс да (либö) содтöдьяс пыртöм йылысь Коми Республикаса оланпас дас лунöн мöдöдöны Коми Республикаса Юралысьлы да йöзöдöны воöмсянныс дас нель лунöн.

Коми Республикаса Оланподув либö Коми Республикаса Оланподулö
вежсьöмъяс да (либö) содтöдъяс пыртöм йылысь Коми Республикаса оланпас
лоöны вынаöсь найöс официальной йöзöдöм бöрын.

Коми Республикалöн
Медвылыс Сöветса Велькöдлысь

Ю. Спиридонов

Сыктывкар
1994 вося урасьöм тöлысь 17 лун